



**VENDIM**

***Nr. 95, Datë 13.09.2013***

**MBI**

**MIRATIMIN E KËRKESËS SE TAP AG, PËR MODIFIKIM TË  
PËRKUFIZIMIT TË ORIGINËS SË GAZIT, SIPAS PIKËS 4.1.1 TË  
VENDIMIT PËR MIRATIMIN E OPINION TË PËRBASHKËT  
PËRFUNDIMTAR**

**Në zbatim të:**

- Ligjit nr. 9946, datë 30.06.2008. “Për sektorin e gazit natyror”, të ndryshuar;
- Vendimit Nr. 39 Datë 23.04.2012 për miratimin e “Udhëzuesit për Menaxhimin dhe Alokimin e Kapaciteteve në Projektin Trans Adriatik Pipeline (TAP), sipas paragrafit 6, të nenit 36 të Direktivës 2009/73/EC”, nepermjet te cilit ERE adoptoi Direktivën 2009/73/EC si baze per shqyrtimin e mëtejshëm te Aplikimit për përjashtime te TAP AG, se bashku me Autoritetin Rregullator te Energjise te Italise, AEEG dhe Autoritetin Rregullator te Energjise te Greqise, RAE.
- Direktivës 2009/73/EC të Parlamentit European dhe të Këshillit të datës 13 korrik 2009 ( në tekstin e mëtejme :Direktiva );
- Rregullores 713/2009/CE të Parlamentit European dhe të Këshillit të datës 13 korrik 2009 ( në tekstin e mëtejme : Rregullorja ACER ) ;
- Rregullorjes 715/2009/CE të Parlamentit European dhe të Këshillit të datës 13 korrik 2009.
- Vendimit Nr 27, datë 01.03.2013, të Bordit të Komisionerëve të ERE, “Për miratimin e përjashtimit të kushtëzuar të kompanisë TAP – AG prej kërkesave të neneve 9, 32 dhe 41 (6), (8) dhe (10) të Direktivës 2009/73/EC

- për projektin "Trans Adriatik Pipeline" Nenit 22, pika 4, e Direktivës 2003/55/EC, të Parlamentit dhe Këshillit të Europës;
- Vendimit të Komisionit Europian C(2013) 2949 të 16 Maj 2013;
  - Opinionit të Sekretariatit të Komunitetit të Energjisë (nr 1/2013)
  - Vendimit nr. 64, datë 13.06.2013, të Bordit të Komisionerëve të ERE "Për amendimin e Vendimit të Bordit të Komisionerëve të ERE, nr. 27 datë 1.03.2013 "Për miratimin e përjashtimit të kushtezuar të kompanisë TAP-AG prej kërkesave të nenëve 9, 32 dhe 41(6), (8) dhe (10) të direktivës 2009/73/ec për projektin "Trans Adriatik Pipeline", për marrjen në konsideratë të Opinionit të Sekretariatit të Komunitetit të Energjisë (nr 1/2013) dhe Vendimit të Komisionit Europian (C(2013)2949";
  - Kërkeses sipas pikës 4.1.1 të Opinionit të Përbashkët Përfundimtar në lidhje me zgjerimin e kuptimit të termit "Origjina e Gazit" të dërguar nga ana e TAP të datës 12.08.2013, prot. nga ERE me nr. 223/9, datë 23.08.2013 (në vijim: letra e 23 Gusht 2013).

#### **Dhe duke marrë konsideratë se:**

- Shoqëria TAP AG mbështetur në nenin 40, pika 5, të Ligjit nr. 9946 datë 30.06.2008 "Për Sektorin e Gazit Natyror", të ndryshuar, ka paraqitur pranë Entit Rregullator të Energjisë (në vijim: ERE) një kërkesë për përjashtim duke iu referuar një projekti për një *interconnector* të ri që përshkon Greqinë, Shqipërinë dhe përfundon në Itali (në vijim: gazjellësi TAP), dhe kjo sjell, që për qëllime shqyrtimit të kërkeses për përjashtim, të nevojitet përfshirja e autoriteteve rregullatore homologe (në vijim: Autoritetet); për Shqipërinë, Enti Rregullator i Energjisë (ERE), për Greqinë, Regulatory Authority for Energy (RAE) dhe për Italinë, Autorita per l'energia elettrica e il gas (AEEG);
- ERE me Vendimin nr. 27, datë 01.03.2013, të Bordit të Komisionerëve të ERE, ka miratuar Opinionin e Përbashkët, si rrjedhojë e vlerësimit pozitiv të autoriteteve përgjegjëse për dhënien e vendimit të përjashtimit me kushte;
- Me Vendimin nr. 64, datë 13.06.2013, të Bordit të Komisionerëve të ERE, janë miratuar rekomandimet shtesë të paraqitura nga ana e Komisionit

European, lidhur me pjesën 4 të *Opinionit të Përbashkët (Opinionit i Përbashkët Përfundimtar)*

- Opinionit i Përbashkët Përfundimtar (Final Joint Opinion) parashikon në paragrafin 4.1, pika 1, që përsa i përket origjinës të gazit të transportuar përmes kapacitetit objekt përjashtimit të TAP AG të jetë gazi i prodhuar nga faza e dyte e vendburimit Shah Deniz (Shah Deniz II) dhe që çdo modifikim prej këtij parashikimi të jetë objekt miratimi paraprak nga ana e Autoriteteve;
- Shoqëria TAP AP ka kërkuar, me letren e 23 Gusht 2013 që të specifikohet përkufizimi i gazit të Shah Deniz II në mënyrë që nen termin e gazit të Shah Deniz II në kuptim të pikës 4.1.1 të Opinionit të Përbashkët Përfundimtar të përfshihet gjithashtu gaz i prodhuar edhe nga vendburime të tjera të vendosura në territorin e Azerbajxhanit;
- Një modifikim i tillë nuk është në kundërshtim me arsyet mbi bazën e të cilave është miratuar përjashtimi nga ana e ERE dhe në vecanti pikës 36.1 të Direktivës 73/2009/CE që parashikon ndër të tjera, që infrastruktura e re të rrisë sigurinë e furnizimit;
- Siguria e furnizimit varet edhe nga diversifikimi i burimeve të gazit dhe modifikimi i propozuar nuk e ndryshon këtë skenar, duke qënë se gazi do jetë gjithsesi i prodhuar në territorin e Azerbajxhanit;

### **Mbështetur në sa me sipër:**

Bordi i Komisionerëve të Entit Rregullator të Energjisë (E.R.E), në mbledhjen e tij të datës 13.09.2013, duke konsideruar se nuk ka asnjë pengesë për miratimin e modifikimit të kërkuar nga ana e TAP AG që lejon shoqërinë TAP AG të transportojë gazin e prodhuar në territorin e Republikës së Azerbajxhanit, pavaresisht nga vendburimi specifik i prodhimit,

### **Vendosi:**

1. Te miratoje që përcaktimi i termit “Gazit i Shah Deniz II” në Piken 4.1.1 të Opinionit të Përbashkët Përfundimtar/Final Joint Opinion të jetë “gas

*transported through the TAP produced from the gas fields in the territory of the Republic of Azerbaijan and supplied under the relevant Shah Deniz Gas Sales Agreements”.*

2. Njoftimin e TAP AG per marrjen e këtij Vendimi.
3. Njoftimin e Autoriteteve Rregullatore te Energjise te Italisë (AEEG) dhe Greqisë (RAE) për marrjen e këtij Vendimi.
4. Ky vendim hyn në fuqi menjëherë dhe botohet ne Fletoren Zyrtare.

**Kryetari në detyrë**

**Shkëlqim BOZGO**